
GIYA ALANG SA DALI NGA PAGSUGOD

Mga Tumong sa Matag Adlaw nga Pagtuon sa Kasulatan



UNSAY BAG-O NIINING TUIGA

Sugod sa Enero 1, 2021, ang mga estudyante sa seminary nga magtinguha og kredito sa kurso gikinahanglang magbasa diha sa basahon sa kasulatan alang sa kurso sa pagtuon og dili momenos 75 porsyento sa mga adlaw nga tingtungha sa semester. (tan-awa sa “Mga Gilau-man nga Pagbasa sa Kasulatan alang sa Pagkompleto sa Kurso ug Paggradwar” sa Manwal sa mga Polisiya). Ang mga magtutudlo makatabang sa mga estudyante nga makatuman niini pinaagi sa pagsuporta kanila sa pag-establisar ug pagmentinar og mga tumong sa matag adlaw nga pagtuon sa kasulatan.



ANG BILI SA MATAG ADLAW NGA PAGTUON SA KASULATAN

Si Presidente Russell M. Nelson mitudlo, “Samtang kita maningkamot nga mahimong mga disipulo ni Jesukristo, ang atong mga paningkamot sa pagpaminaw Kaniya kinahanglan nga mas gitinguha nato. Kinahanglan og tininuod ug makanunayon nga paningkamot sa pagpuno sa atong matag adlaw nga kinabuhi sa lyang mga pulong, sa lyang mga pagtulun-an, sa lyang mga kamatuoran. . . Inadlaw nga pagbasa sa pulong sa Dios importante alang sa espirituhanong kaluwasan, ilabi na niining mga panahon sa nagkagrabe nga kagubot. Samtang kita magbusog sa mga pulong ni Kristo matag adlaw, ang mga pulong ni Kristo mosulti nato unsaon sa pagtubag sa mga kalisud nga wala nato mahunahunai nga atong atubangon” (“Paminaw Kaniya,” Abril 2020 nga kinatibuk-ang komperensya).



UNSAON NIMO SA PAGTABANG SA IMONG MGA ESTUDYANTE

Ang mga magtutudlo makatabang pinaagi sa pagmugna og makahuluganon nga mga kasinatian sa pagkat-on uban sa mga kasulatan sa matag sesyon sa klase. Sa sinugdanan sa matag termino, ang mga magtutudlo kinahanglang mohatag og panahon alang sa mga estudyante nga makahisgut sa bili sa pagtuon sa kasulatan ug sa abilidad niini sa pagtabang kanila nga mapaduol ngadto sa ilang Manluluwas nga si Jesukristo. Ang mga estudyante kinahanglang madasig sa pagtakda sa ilang kaugalingong mga tumong sa matag adlaw nga pagtuon sa kasulatan.

Ang mga magtutudlo adunay importanting katungdanan sa pagtabang sa mga estudyante nga makatuman sa ilang personal nga mga tumong sa matag adlaw nga pagtuon sa kasulatan. Ang mga magtutudlo makatuman niini nga katungdanan sa daghang paagi, lakip sa:

- Paggamit sa mga kasulatan ug sa mga pagtulun-an gikan sa mga propeta sa bag-ong panahon aron sa pagtabang sa mga estudyante nga makasabut sa kaimportante sa matag adlaw nga pagtuon sa kasulatan alang sa ilang kaugalingong pagkadisipulo ug pagkakabig ngadto ni Jesukristo.
- Pagtabang sa mga estudyante nga makaestablisar og mga tumong sa matag adlaw nga pagtuon sa kasulatan, nga tukma, makahuluganon, ug gipahaum ngadto sa ilang mga panginahanglan ug mga abilidad.

- Pag-ila sa mga estudyante ug sa regular nga pag-follow-up kanila sa ilang mga kasinatian uban sa ilang pagtuon sa kasulatan.
- Paghatag og regular nga mga kahigayunan diha sa klase alang sa mga estudyante nga makapamatuod sa unsay ilang nakat-unan ug gibati mahitungod ni Jesukristo ug sa lyang ebanghelyo pinaagi sa ilang personal nga pagtuon sa kasulatan.
- Makanunayon nga pagtabang sa mga estudyante nga mahimong may tulubagon pinaagi sa pagmugna og mga oportunidad diha sa klase alang sa mga estudyante nga makasubay sa ilang personal nga matag adlaw nga pagtuon sa kasulatan diha sa mySeminary nga app o sa ubang pamaagi sa pagrekord.
- Pagtabang sa mga estudyante sa paagi nga mag-awhag kanila nga makakompleto sa pag-basa sa kasulatan kon sila wala makaapas sa gikinahanglang basahon nga 75 porsyento niini alang sa klase.



MGA KAPANGUHAAN NGA MAGAMIT ALANG SA MGA MAGTUTUDLO

- Ang tanang magtutudlo kinahanglang mabansay sa ilang inservice nga lider pinaagi sa usa ka inservice nga kasinatian o binulan nga panaghisgutan. Ang lokal nga mga pagpahiangay ngadto niining pagbansay kinahanglang himoon uban sa pagkonsulta sa direktor sa rehiyon.
- Ang mga sugyot alang sa pagtabang sa mga estudyante nga marekord ug masubay ang ilang matag adlaw nga pagbasa sa kasulatan diha sa mySeminary nga app mahimong makita sa <https://web.microsoftstream.com/channel/8600711f-29ec-40c8-99d2-c1240a7204ec>.
-
- Ang lokal nga pagpahiangay mahimong himoon diha sa mga dapit diin walay mySeminary nga app.
- Ang mga baruganan nga makita diha sa “Makeup Work” nga seksyon sa manwal sa mga polisiya kinahanglang gamiton kon tabangan ang usa ka estudyante kinsa anaa ubos sa 75 porsyento ang marka sa pagbasa sa kasulatan. Mga pananglitan sa makeup work alang sa pagbasa sa kasulatan mahimong makita diha sa latid sa inservice nga makita sa ibabaw.

